


欽定八旗通志

人物志

卷一百二十三
之一百二十四



欽定八旗通志卷百二十三

人物志三

宗室王公傳六之下

多羅克勤郡王岳託
顯榮貝勒喀爾楚璉

多羅
鎮國

將軍品級巴思哈

多羅克勤郡王岳託

子羅洛輝四孫羅科博
五世孫福彭

岳託禮烈親王傳善長子

子李素娟未萬貝美

太祖高皇帝孫初授台吉天命六年二月大兵畧明奉集

保將還有小卒詣明兵去此不遠岳託與台吉德

格類等追擊之抵其營明兵驚潰追至黃山暨武

靖營乃還三月

命六軍二月大兵畧田津渠

上親征明拔瀋陽城大軍方追明總兵李秉誠朱萬良姜

弼等於白塔舖岳託後至同逐北四十里途斬級

三千餘初喀爾喀扎噲特部貝勒昂安執我使者

送葉赫被殺八年四月

命岳託同台吉阿巴泰等討之斬昂安父子還事詳饒餘

欽郡王傳者一年八月

太祖龍馭上賓岳託與弟薩哈璘共至其父大貝勒代善

所告曰國不可一日無君邦家大事宜早定策

四貝勒才德冠世深得人心衆皆悅服當速繼大位代善

云此我夙心也汝等言正合我意遂與岳託及薩

哈璘作議書次日詣

朝出書言推戴

太宗文皇帝嗣統衆貝勒皆喜議遂定

上讓至再三衆議益堅乃從之十月蒙古五部落背盟岳

王託隨父代善弟薩哈璘率兵萬人征之斬扎魯特
部之鄂爾齋圖貝勒又生擒其貝勒十四人盡俘
其衆以歸是年封貝勒天聰元年正月同二貝勒
阿敏貝勒濟爾哈朗等征朝鮮攻義州定州漢山
三城克之渡嘉山江克安州至平壤城其守者棄
城遁遂渡大同江次中和遣使諭朝鮮王李倧降
時阿敏議欲直趨其都岳託知不可止密與濟爾
哈朗定議駐師平山城遣副將劉興祚諭李倧倧

報願歲貢方物岳託謀曰吾等事已成矣蒙古與
明皆敵國或有邊事當預防宜盟而班師盟成以告
阿敏阿敏以己未與其事仍縱掠岳託曰盟成而
縱掠非義也勸之不可復令李倧弟覺與阿敏盟
乃班師五月從

上親征明同三貝勒莽古爾泰等率偏師護塔山糧運敗

明兵復從

上移駐錦州圍寧遠並有功八月敗明兵于牛莊斬守備

一千總二百總二兵三百二年五月同貝勒阿巴
泰碩託證明錦州有功詳饒餘敏郡王傳三年八
月同貝勒濟爾哈朗等畧錦州遠焚其積聚還

十月

上親征明岳託同濟爾哈朗由大安口入且見明兵營山
上岳託率兵半駐以待濟爾哈朗以其半擊之復
見有明騎兵自遵化來援者顧謂濟爾哈朗曰我
當擊此遂進擊五戰皆捷十一月至遵化與

御營合明大同總兵滿桂宣府總兵侯世祿屯順義縣岳

託同阿巴泰分路邀擊走之順義知縣率衆降師

薄北京復從父代善擊敗明援兵十二月同貝勒

薩哈璘等圍永平克香河縣四年正月攜明投誠

副將孟喬芳楊文魁遊擊楊聲遠及兵四百還自

永平

上命同貝勒豪格等還守瀋陽五年七月初設六部

命掌兵部事八月

上征明大凌河城自白土場趨廣寧岳託同貝勒阿濟格
等率兵二萬別由義州進會大軍都統葉臣率鑲
紅旗兵圍城西南岳託軍爲策應十月明總兵祖
大壽請降以其子可法爲質可法見諸貝勒欲下
拜岳託曰我等戰則爲仇敵和則爲兄弟何以拜
爲命以國禮見因問爾等死守空城何意曰畏誅
戮耳岳託曰遼東以久抗不降故誅之殺永平人
乃貝勒阿敏所爲已論罪幽禁矣我

皇上卽位以來敦行禮義政治一新撫養黎民愛惜士卒

仁心仁政爾等豈不聞之可法曰

皇上於貧者衣食之富者秋毫無擾寬仁愛民之德實皆

聞之遂辭歸越三日大壽以城降復同諸貝勒等

夜襲敗錦州兵事具饒餘敏郡王傳六年正月疏

言前克遼東廣寧漢人拒命者誅之後復克永平

灤州漢人縱極力撫諭人多疑懼今天與我以大

凌河漢人正使天下知我國善養人也臣愚以爲

若能善撫此衆嗣後歸順者必多當先予以家室
出公帑給其需倘邀

天眷奄有其地仍各給還家產彼必忻然悅服其歸誠各
官宜令諸貝勒給莊一區每佐領各取漢男婦二
名牛一頭編爲屯人給二屯其出二口耕牛之家
該佐領以官值償之至明兵棄鄉土離妻子窮年
累月戍守各城一苦也畏我誅戮又一苦也今慕
義歸降之漢兵須令滿漢賢能官善爲撫恤毋致

一人失所則人心歸附大業可成

上嘉納之五月明兵棄錦州遁

命同貝勒阿巴泰碩託畧明地併隳錦州城旋與貝勒濟

爾哈朗等率兵二萬畧察哈爾於歸化城黃河一

帶俘獲以千計九月同貝勒德格類拓疆自耀州

至蓋州以南七年六月

詔問征明及朝鮮察哈爾三者何先岳託奏言時不可失
宜於山海關通州北京三路乘時先圖其一則不

基定矣是月同貝勒德格類率左翼楞額禮葉臣

右翼伊爾登昂阿喇每旗副將一叅領一佐領驍

騎校一及漢軍都統石廷柱元帥孔有德總兵耿

仲明攻明旅順口俘獲無算八月奏言前蒙

聖諭令留一都統守旅順口今留葉臣伊爾登帥兩翼每

命回貝勒旗留官三員兵二千五百漢軍以遊擊佟圖賴主

之統備禦二員兵百名駐守臣等自木場驛起行

俟抵我邊界貯礮車於蓋州留俘振旅是月師還

上率諸貝勒大臣郊迎十里外以金卮酌酒

賜之八年二月奏定馬匹倒斃擇牛彘殷實之家酌免丁

徭責令償補又奏減牛彘下廝養卒得

旨惟哨長許留餘悉罷三月

上大閱岳託率滿洲蒙古等十二旗行營兵赴瀋陽城北

郊列陣二十里許十四酋爾等酌量亦置蓋原合

並駐蒲馬岡岳託指示紀律軍容嚴肅

上嘉獎之五月

上征察哈爾氏

諭留守諸貝勒及將領畢岳託復曉于衆曰自堤岸以東

巨流河以西原置十四哨爾等酌量布置晝則令

大圍軍士習射夜勿解衣張弓開甲囊以防不虞岳託

遂隨行有疾六月

上臨視勅責令賞賚又奏為牛策不潤着卒

命還入平三日奏為馬匹四餘讓對牛策想實之奏

盛京九年三月同貝勒多爾袞薩哈麟豪格往收察

哈爾林丹汗子額哲六月師還諸貝勒畧明山西

岳託以疾分兵千留駐歸化城會土默特部人來

告博碩克圖汗子俄木布遣人往阿魯喀爾喀及

明使者至將謀我岳託伏兵邀之俄木布乳母之

夫毛罕知之密使人趣之還伏猝起誅毛罕擒明

使者隨命土默特捕斬阿魯喀爾喀之謀匿馬駝

者部分土默特壯丁三千三百有奇為十隊每隊

以官三員主之授條約並頒示鄂爾多斯部尋諸

貝勒會師歸化城岳託偕還崇德元年四月晉封

和碩成親王八月以徇庇莽古爾泰碩託且有離

間鄭親王濟爾哈朗及肅親王豪格事論死

特旨寬宥之降多羅貝勒罷兵部任十一月復

命攝兵部事十二月從

上征朝鮮朝鮮王李倬奔南漢山城岳託同豫親王進圍

之敗其援兵于城下二年八月

命兩翼較射奏不能執弓

上曰爾徐引射之不射如他王貝勒何

諭再三始引弓弓墮地者五遂擲之諸王等論岳託驕慢

當死

上復寬之降固山貝子罷部任罰鍰三年正月復封多羅

貝勒管旗務二月從

上征喀爾喀至博碩堆偵扎薩克圖汗遁乃還八月奉

命為揚威大將軍貝勒杜度副之統右翼兵睿親王多爾

袞為奉命大將軍統左翼分道伐明九月從密雲

東北牆子嶺口毀邊牆入明兵于保外立三寨我師攻克之獲敵哨卒知保堅且有重兵不易拔嶺東西有間道可越於是分兵攻其前以牽敵師潛從間道踰嶺入克臺十有一尋以疾薨於軍年四十有一四年三月左翼睿親王奏捷

上覽奏無岳託名驚問知病卒

上慟哭久之且

命勿使禮親王知四月喪還

駕至沙嶺設幄遙奠還

御崇政殿

命親王以下及諸大臣往奠王貝勒還復命乃還宮

輟朝三日園寐

詔追封為多羅克勤郡王

賜馬五駝二銀萬兩葬

盛京城南五里萬柳塘康熙二十七年十一月

命立碑紀功乾隆八年

駕幸

盛京

親詣王園寢

賜爵

御製詩曰開國承家日于藩夾輔資一時扶王業四海

定丕基懿德書金匱佳城奠玉卮銀潢天共遠百世

篤宗支四十二年正月

上追念王忠勛

命配享

太廟其現襲之平郡王復封號曰克勤八月

命入祀

盛京賢王祠是年

駕幸

入盛京復

賜爵王園寢

次定八旗通志

卷一百二十三

人物志三

七

御製詩曰每陳開國策均合

聖人心不少赴桓衆

獨嘉幹畧沈佳城留故里致奠重躬臨彰善俾觀感伊子

此意深四十八年

駕三詣

盛京

賜酹如初

御製疊戍戍詩韻曰讓帝之冢予首陳推戴心忘家惟

爲國力勇更謀沈我

祖所嘉許子躬應奠臨

闕宮教配享彰善意猶深岳託次子羅洛渾于崇德四年

九月襲封多羅貝勒管旗務五年五月

命同鄭親王濟爾哈朗等往迎蒙古多羅特部蘇班岱阿

巴爾岱等降衆敗明兵事詳鄭獻親王傳九月同

鄭親王圍錦州六年三月復圍之設伏敗明援兵

于南山西岡六月睿親王多爾袞肅郡王豪格等

來代合擊明山海關援兵追及松山城還八月從
上征克松山擒明總督洪承疇巡撫邱民仰等七年七月

敘功

賜蟒緞七十八年正月以怨對非議又

敏惠恭和元妃薨時絲竹不輟論罪削爵五月復多羅

貝勒管旗務

上命濟爾哈朗多爾袞

召羅洛渾諭曰爾父屢獲罪譴因

皇考太祖曰爾王孫以爾祖考王夫曰爾王孫南越其管王

皇妣太后撫養為子朕視之如弟沒後猶追封克勤郡王

并加惠於爾命為多羅貝勒管旗務爾不思率由善道

以輔國政嗜酒作慝致干國法朕又追念爾父特行寬

宥復爾多羅貝勒令管旗務爾當敬慎修身勤思善行

若仍嗜酒妄亂不特爾祿位難保即置爾于法亦所不

赦至本旗所屬諸臣俱宜戒酒仍勸勉貝勒効力贖罪

羅洛渾同諸臣叩首謝罪順治元年十月以從定

京師破流寇有功晉封多羅衍禧郡王三年正月
 同靖遠大將軍肅親王豪格征四川八月薨於軍
 年二十有四五年正月喪還

命貝子屯齊鎮國公拜音圖輔國公鞏阿岱等迎之

輟朝二日康熙十年六月追諡曰介羅洛渾長子羅科鐸

于順治五年閏四月襲封多羅衍禧郡王八年二

月改封號曰平十五年正月同安遠靖寇大將軍

信郡王多尼證明桂王朱由榔于雲南破其晉王

李定國鞏昌王白文選兵十六年六月

賜蟒衣弓刀鞍馬旌其勞康熙二十一年七月薨年四十六

有三諡曰比以其第四子訥爾圖襲訥爾圖于康

熙二十二年襲封多羅平郡王二十六年五月以

毆斃無罪人及折人手足議罪削爵以其弟訥爾

福襲四十年薨諡曰悼以其長子訥爾蘇襲五十

七年十一月隨撫遠大將軍允禔收西藏尋駐博

羅和碩五十九年正月移駐古木六十年十月攝

大將軍事六十一年十一月復攝印如故雍正元年正月還京攝印大將軍公圖文西漢等攝印上駟院事四年七月以前在西寧軍前貪婪受賄削爵乾隆五年九月卒

命仍以郡王禮葬訥爾蘇長子福彭于雍正四年七月襲封多羅平郡王十年正月任鑲藍旗滿洲都統

四月奏言外省來京襲職旗員到日隨奏不令久候多費以仰副

體恤至意從之閏五月授宗人府右宗正十一年二月充玉牒館總裁四月

命軍機處行走七月

命為定邊大將軍討逆賊噶爾丹策凌十一月師駐烏里

雅蘇台十二月奏言軍中馳馬最要今喀爾喀扎

薩克貝勒班第等感

恩獻馳馬力請停償值伏念遠臣當軍興際不私所有况宗室王貝勒貝子公等皆有馬場滋生馬匹豈不

欽定八旗通志 卷一百二十三 八旗志三 三
內愧于心臣家有馬五百匹願送軍前備用並將
臣奏宣示諸王貝勒等臣料諸宗臣必以臣言爲
當彌切踴躍急公之義得

旨允行十二年六月奏烏里雅蘇臺扎克拜達里克推河
並應撤京城滿洲漢軍右衛寧夏察哈爾土默特
兵三千六百所有內扎薩克及烏蘭察布兵三百
七十調赴推河駐防現在烏里雅蘇臺餘兵九千
不敷調遣請以洪郭爾鄂隆所調滿洲兵六百再

增撥四百速赴軍營從之是月王率將軍傅爾丹
赴科布多總統北路軍營令內大臣薩木哈掌成
遠將軍印辦理烏里雅蘇臺軍務八月

詔量撤北路兵王率副都統王常等領兵還十三年閏四
皇十月

命總統大軍駐鄂爾坤七月於額爾德尼昭迤北築城尋
以公慶復代還京乾隆元年二月
上以北路所存糧米如何令蒙古兵支領並屯獲糜麥

出陳易新之處交王酌議尋奏言蒙古兵向不給糧臣前以坐卡兵遠臨賊境取羊未便會折給一

皇上軫念蒙古一視同仁加

恩賞米臣議將存留之喀爾喀兵及坐卡臺站蒙古兵攬米支給今王大臣等又議將派駐鄂爾坤之蒙古兵給糧在此時存米充裕不難概給倘日久米少議停轉生怨望且準噶爾鬼蜮多端將來或仍

須蒙古兵移駐又豈能一例支給北地寒冷蓋藏

得宜米可經三四年不壞臣愚于駐防蒙古兵酌量賞給餘請仍給羊價爲便再鄂爾坤種地兵已拋糜麥無從出陳易新青稞大小麥較難耐久應請

恩賞蒙古米糧先給此項麥石又奏言喀爾喀所牧馬除留軍營備用外各游牧處現有馬二萬九千餘內扎薩克各游牧處馬四萬餘伏思鄂爾坤駐兵

以歸化城為聲援其間距三千餘里鞭長莫及中
 途須有馬接換往來緩急始足恃請度適中地近
 臺站水草佳處設馬廠手土默特察哈爾兵內擇
 有眷屬者移駐牧放令歸化城都統攝理再請撥
 騾馬萬兒馬二千令臺站總管撥入官馬廠牧放
 備用有事無難輕騎疾馳馬力足而人心可恃雖
 道遠無慮矣

詔並下王大臣議行三月任正白旗滿洲都統十月調

正黃旗滿洲都統三年七月預議政十三年十二
 月薨年四十有一諡曰敏十四年三月以福彭長
 子慶寧襲十五年薨諡曰僖以原襲平郡王訥爾
 蘇之孫慶恒襲慶恒乃貝子福秀長子出為福彭
 後是年十二月襲封多羅平郡王十九年任鑲紅
 旗漢軍都統二十六年授宗人府右宗正尋總理
 鑲紅旗覺羅學二十七年坐旗員冒借官銀降固
 山貝子餘任悉罷四十年復封多羅平郡王四十

五年正月王杰爾圖四十年封王
命復克勤郡王始封之號仍為克勤郡王四十四年二月薨諡曰良以原襲平郡王訥爾圖之孫雅朗阿襲雅朗阿力閑散宗室訥清額第十子初于乾隆十六年授三等侍衛二十六年七月任鑲紅旗蒙古副都統九月授烏里雅蘇台叅贊大臣二十七年調正紅旗滿洲副都統尋授科布多叅贊大臣三十一年任成都副都統三十四年授荊州將軍

三十五年十月以袒護所屬驍騎校楚德降三級

調用十月以副都統品級往庫爾喀喇烏蘇辦事

三十七年五月復以徇隱臺站屬員不法削副都

統品級在伊犁印務筆帖式行走八月奉

旨在庫爾烏蘇章京處辦事十月以副都統品級赴塔

爾巴哈台十一月

諭獎其辦事得制仍留庫爾喀喇烏蘇辦事三十八年

三十九年調

盛京副都統四十年調黑龍江副都統四十一年遷

備選綏遠城將軍四十四年襲封多羅克勤郡王四十

五年總理鑲藍旗覺羅學尋授宗人府右宗正四

百五十七年任正白旗漢軍都統四十八年四月調鑲

紅旗滿洲都統七月調正黃旗滿洲都統五十九

年薨諡曰莊子恒謹襲

多羅顯榮貝勒喀爾楚渾

喀爾楚渾克勤郡王岳託第三子順治元年四月

隨睿親王多爾袞入山海關破流賊李自成追擊

至望都二年二月敘功封鎮國公三年正月隨靖

遠大將軍肅親王豪格征四川流賊張獻忠時賊

黨據陝西同貝子滿達海進勦偽叅將石國璽等

五十餘人率賊眾降賊首高如礪遁三台山我軍

掘壕圍之如礪亦率眾降十一月肅親王進征四

川斬獻忠於西充喀爾楚渾在事有功五年正月

班師八月任鑲紅旗滿洲都統六年正月隨敬謹

親王尼堪討大同叛鎮姜瓖師至太原賊由寧武
關迎戰喀爾楚渾遣都統阿賴庫魯克達爾漢等
擊敗之進圍寧武賊夜犯我鑲黃鑲紅兩旗汛地
復遣護衛兵迎擊兩戰皆捷四月由左衛往圍大
同偽總兵楊振威斬瓖降十月晉封多羅貝勒八
年二月攝理藩院事八月薨年二十有四諡曰顯
榮立碑紀功康熙十三年三月復立碑旌之喀爾
楚渾長子克齊于順治九年襲封多羅貝勒康熙

六十一年六月薨年七十有二以其長子魯賓降
襲魯賓初于康熙二十三年封固山貝子三十年
授宗人府左宗正三十五年

上征噶爾丹同都統喀岱等統領鑲藍旗營三十八年以
惰罷宗正在雍正元年改降襲固山貝子四年三
月坐舉動狂悖削爵三月以魯賓無應襲貝子之
人復降封輔國公乾隆八年卒以魯賓嗣子宗智
之第四子訥穆金降襲奉恩將軍二十五年授三

等待衛累遷至頭等待衛四十八年卒四十九年

五月以訥穆金次子薩賓圖襲封奉恩將軍

鎮國將軍品級巴思哈

巴思哈克勤郡王岳託第五子崇德四年正月封

鎮國將軍順治六年十月晉封多羅貝勒九年七

月奉

命同定遠大將軍敬謹親王尼堪統官兵往湖南征流賊

張獻忠餘黨孫可望等

賜蟒衣鞍馬弓矢十一月敬謹親王戰歿於衡州

命貝勒屯齊代其軍與巴思哈合營二月由永州趨寶慶

敗賊兵十萬於周家坡十一年十月議隨敬謹親

王出征敗績罪削爵還京師十二年三月擢任鑲

紅旗滿洲都統八月復授鎮國公品級十五年正

月隨安遠靖寇大將軍信郡王多尼征明桂王朱

由榔於雲南合四川廣西兩路軍期進取十一月

抵貴陽趨安莊擊斬其衆十六年正月大軍薄雲

南省城同貝勒尚善等克鎮南州玉龍關永昌府

騰越州六月合四川貴西兩省軍陳其順十一日

賜蟒袍鞍馬勞之十七年五月師旋七月議前征雲南時

撤永昌門兵致軍士入城擾民降鎮國將軍品級

十八年卒以巴思哈次子固克度渾降襲三等輔

國將軍品級康熙四年卒以巴思哈第三子庫布

素渾降襲三等奉國將軍品級十二年晉封三等

輔國將軍品級二十四年以病誤較射削爵以其

長子蘭鼐降襲三等奉國將軍品級五十八年卒

以蘭鼐第三子宗智降襲奉恩將軍品級雍正八

年授三等侍衛尋遷二等侍衛乾隆元年授前鋒

叅領四年擢副都統八年卒以蘭鼐第六子宗熹

降襲雲騎尉品級四十年十二月因軍政虛報年

歲削級爵除

欽定八旗通志

欽定八旗通志卷一百二十三

欽定八旗通志卷一百二十三

欽定八旗通志卷一百二十三

欽定八旗通志卷一百二十三

欽定八旗通志卷一百二十三

欽定八旗通志卷一百二十三

人物志四

宗室王公傳三

和碩鄭獻親王濟爾哈朗 和碩簡純親王濟度 原封和碩簡親

主喇布

贈和碩親王武襄輔國公巴爾堪

和碩鄭獻親王濟爾哈朗

濟爾哈朗追封和碩莊親王舒爾哈齊第六子舒

爾哈齊

顯祖宣皇帝第三子

太祖高皇帝同母弟初封貝勒歲丁未東海瓦爾喀部斐
悠城長策穆特赫苦烏拉部長之虐乞歸附

太祖命舒爾哈齊同貝勒褚英代善往收其環城屯寨五
百戶以還福賚王爾哈齊

賜號達爾漢巴圖魯事詳廣畧貝勒褚英傳辛亥年八月
薨順治十年五月追封和碩親王諡曰莊濟爾哈
朗幼育

太祖宮中封和碩貝勒天命十年十一月同台吉阿巴泰

等援科爾沁有功事詳饒餘敏郡王傳十一年四

月征喀爾喀巴林部十月征扎嚕特部並有功天

聰元年正月同貝勒阿敏岳託阿濟格等征朝鮮

師屢勝次平壤城朝鮮王李倧遣使請和阿敏仍

欲進攻岳託不可濟爾哈朗謂不宜深入可駐平

山城以待和議之成遂引軍往與李倧議歲貢定

盟而還事詳克勤郡王傳五月從林其駝人運蘇

上證明出寧遠舊邊進圍錦州同貝勒莽古爾泰等率偏

師衛塔山糧運遇明兵四萬人我前軍八千人奮
擊敗之尋移師寧遠與明總兵滿桂兵遇力戰被
創褻創復戰大敗其衆三年五月以蒙古固特塔
布囊自察哈爾移據阿拉克緯特部舊地遇來歸
我者輒阻殺其衆固特塔布囊歸味阿拉克
命同貝勒豪格往討誅之收其衆三年八月與貝勒德格
類岳託阿濟格等率師攻明錦州寧遠焚其積聚
多俘獲十月日事藉繪繪海嶽王戰十一辛四

上親統大兵由洪山口征明濟爾哈朗與岳託奉
命攻大安口毀其水門乘夜進擊走明馬蘭營叅將援兵

命日見明騎兵立二營山上濟爾哈朗先擊敗其衆
追至馬蘭營殲之是日自辰至巳五戰皆捷降馬
蘭營馬蘭口大安口二營兵趨石門寨明兵先聞
木礮聲以爲蒙古兵至倉皇求援悉斬之寨中官民
出降遂會大兵於遵化進薄北京十二月與貝勒
阿巴泰阿濟格杜度薩哈璘及總兵官楊古利等

率師三千畧明通州焚其船攻克張家灣四年正月從漢會大兵於邊外並斬蒙古十二員與俱備

上圍永平先是劉興祚叛歸明與明巡撫袁崇煥同赴永平聞我兵將至遂趨太平寨道殺喀喇沁蒙古之

以俘來獻者

上命濟爾哈朗與阿巴泰往捕追及於山海關斬興祚生

擒其弟興賢以獻大軍既克永平

命與薩哈璘統兵一萬鎮守察倉庫閱士卒置官吏降明

道員白養粹廢員孟喬芳楊文魁等以書招永平

所屬州縣營汛於是臺頭營副將王維城鞍山堡

千戶錢奇志遷安縣知縣朱雲台灤州守備李繼

全州同張文秀建昌叅將馬光遠相繼降三月

上班師遣貝勒阿敏碩託來代守永平濟爾哈朗因趨迤

西路招降榛子鎮乃還五年七月初設六部

命掌刑部事八月清以她剌熱武備員博多驍五散山

上圍明大凌河城鑲藍旗兵圍西南濟爾哈朗率師為策

圍明應旋同大貝勒代善等攻克近城臺保十一月明
掌旗總兵祖大壽以城降將旋師與貝勒多鐸往塔山
東沿海截監俘百餘人六年五月從薊六府

上征察哈爾林丹汗遁大軍次穆魯哈喇克沁濟爾哈朗

與岳託德格類薩哈璘等率右翼兵二萬趨歸化

城收察哈爾部衆千餘七年三月奉

命築岫巖城五月明將孔有德耿仲明自登州航海來降

濟爾哈朗等迎護其衆明兵及朝鮮兵來追者懼

我軍威遁去事具英親王傳六月

詔問征明及察哈爾朝鮮三者何先濟爾哈朗奏言朝鮮

不遵約當返其貢姑與互市不必往征明乃吾敵

國宜取其近京數城久駐伺隙別屯兵山海以東

錦州以西擾其耕獲使不得休息復分兵半營山

海關前半繞入關後內外夾攻敵必絀八年五月

上復親征察哈爾濟爾哈朗奉

命留守瀋陽十年四月改元崇德建號大清改瀋陽爲

盛京大封王公以濟爾哈朗功多晉封和碩鄭親王

十二月

上親征朝鮮復以王留守

盛京三年十月征明王奉

命率所屬自前屯衛進發十一月會大軍於中後所明兵

懼不敢出乃移師攻模龍關五里保屯臺克之四

年五月征明錦州及松山杏山與敵遇九戰九敗

之俘二千有奇五年三月葺義州城

上親臨闕有舊附明之蒙古多羅特部蘇班岱阿巴爾岱

居杏山西五里臺遣托克托內顛請以三十戶來

歸

上命王與豫親王多鐸郡王阿達禮等率師千五百往迎

瀕行

諭曰敵見我兵少必來拒戰可分一旗兵為前後中三隊

前隊拒戰後隊應援遂奉

命行夜過錦州城南至杏山令托克托內入臺潛告蘇班

伏阿巴爾岱等攜戶口輜重行及旦明杏山總兵
劉周智沿城列兵與錦州松山守將共率兵七千
分翼列陣逼我師王令駐軍待敵呼噪而來王督
戰與諸王貝勒等分隊衝入身先陷陣大敗之追
奔至城下斬其副將楊倫周延州叅將李得位復
遣兵破敵兩營于城南獻所獲馬械於

御營分資有差

上加賜御廐良馬一九月同武英郡王阿濟格等圍錦州

城中兵屢出犯王設伏城南俟敵敵覺而遁追斬
六十餘人又遣輔國將軍務達海仔明運糧兵於
杏山塔山間六年三月復圍錦州環城立八營掘
壕築塹設邏卒爲久困計時大壽在城中以蒙古
兵守外郭蒙古台吉諾木齊吳巴什等欲降潛遣
人賫書縋城約獻東關至期爲大壽所覺遣兵襲
之交相戰聲聞郭外王率兵至城下應之蒙古兵
縋登我師合擊明兵明兵敗入內城遂據其郭遣

鄂內蒙古六千餘口於義州並收降明都司守備
以下官八十八員使馳奏吳王越不烈之蒙古吳

王命八門擊鼓集羣臣宣捷於

篤恭殿四月明援兵自杏山移松山王遣郡王阿達
禮貝勒羅洛渾等率右翼伏錦州南山山西岡武英
郡王阿濟格等率左翼伏松山北嶺令前鋒軍挑
戰敵至伏起夾擊大敗之五月明總督洪承疇率
兵六萬援錦州屯松山北岡我師擊之斬首二千

六月睿親王多爾袞肅郡王豪格等率師來代聞
明兵自松山趨海口我左翼兵向松山東右翼兵
向松山西夾擊却之追至松山城獲馬五十餘振
旅還八月承疇等率兵十三萬至松山

上親統大兵征之

命王留守

盛京九月

上將旋蹕王仍赴錦州更代圍城十二月承疇出兵六千

夜犯正紅正黃二旗營汎王令我兵各依汎地沿壕射之敵敗走松山城閉不得入降二千餘敵從杏山宵遁者復爲伏兵所殲七年二月肅郡王豪格等克松山城擒承疇王仍圍錦州三月大壽遣人乞降請盟誓王留其使二人遣一歸傳諭曰我圍困此城可旦夕取何與爾盟欲降則降非相強也大壽乃率衆斂營降四月與多爾袞率兵攻塔山以紅衣礮克其城進圍杏山以礮轟擊城中懼

開門降乃籍俘獲數以

聞奉

命毀松山塔山杏山三城而還七月敘功

賜鞍馬一蟒緞百八年八月

世祖章皇帝嗣位王與睿親王多爾袞同輔政九月偕武英郡王阿濟格攻明寧遠板中後所城斬遊擊吳良弼都司王國安等進攻前屯衛拔之斬總兵李輔明袁尙仁中前所總兵黃色棄城遁追敗之併

取中前所遂班師順治元年正月王集內三院六部諸大臣諭以凡政事先白睿親王書銜名亦先之五月睿親王入山海關擊走流賊李自成九月

王扈

駕入京師十月

上御皇極門加封信義輔政叔王

賜金千兩銀萬兩緞千疋四年二月以造第踰制擅用銅

獅銅龜銅鶴罰鍰罷輔政五年三月日子屯齊等

許王在

盛京時不舉發兩黃旗大臣謀立肅親王私議及扈

駕入闕擅令兩藍旗越次立營前行等事降多羅郡王閏

四月復和碩鄭親王爵九月

命爲定遠大將軍統兵討湖廣十月道出山東勦曹縣土

賊拔其城獲賊渠李化鯨李名讓張學允等得降

鎮劉澤清逆書煽亂狀以

聞叛黨並伏誅六年正月由安陸府渡江抵長沙時明桂

王朱由榔之總督何騰蛟及附由榔之總兵馬進忠王進才杜允熙陶養用胡一青糾流賊餘黨一雙虎等據湖南府縣王令順承郡王勒克德渾都統阿濟格尼堪爲前哨自率大軍繼進抵湘潭生擒騰蛟拔其城四月分兵趨永興擊走允熙遂至辰州一隻虎聞風遁又令尙書阿哈尼堪都統劉之源等擊進才於寶慶克其城又連破南山坡大水紅江諸路兵凡二十八營寶慶平七月分兵定

靖州進衛州斬養用破一青七營於城南山進剿至廣西全州分兵定道州及烏撒土司貴州黎平府先後收六十餘城七年正月凱旋四月論功

賜金二百兩銀二萬兩八年二月同巽親王滿達海端重親王博洛敬謹親王尼堪奏削故睿親王封爵事詳睿忠親王傳三月

上以王年老一切朝賀謝恩免行禮九年二月晉封叔和

碩鄭親王十二年二月疏言

太祖高皇帝開創初日與四大貝勒五大臣及衆台吉等
討論政務得失諮訪兵民疾苦使上下交孚鮮壅
蔽故能上合

天心下洽民志掃靖羣雄肇興大業

太宗文皇帝繼承大統紹述前猷亦時與諸王貝勒大臣
講論不輟且崇獎忠直鼓勵英傑錄微功棄小過
凡下詔令必先講求其可以順民心垂久遠者然
後施行又慮武備廢弛不忘騎射時

駕出射獵諸王貝勒置酒讌會以優人演劇爲樂

太宗文皇帝還自獵次克勤郡王岳託以聞

太宗文皇帝勃然怒曰我國肇興治自矢繕甲兵視將士若
赤子故人爭効死每戰必克以成大業朕常恐後世子
孫棄我國淳厚之風沿習漢俗卽於惰淫今汝等爲此
荒樂欲國家興隆其可得乎遣大臣索尼再三宣

諭令

聖上詔大小臣工盡言無隱誠欲立綱陳紀綿國祚於無

疆也臣以為平治天下莫要於信詔冷順民心前
降

諭軫恤滿洲官兵疾苦聞者無不懼忭嗣又令修造

乾清宮詔令不信何以使軍民服從伏祈效法

太祖

太宗不時與內外大臣詳究政務得失凡事必豫為商確

然後頒之

詔令見諸施行庶幾法行令信可以紹興國

三聖之休烈矣抑臣更有請者垂休典謀光昭令德莫要

命於設立史官

聖主統一中原事事以堯舜為法但

起居注官尚未設立古之聖帝明王進君子退小人順

命於天心合民志措天下於太平垂鴻名於萬世良於

史臣有賴今宜倣古制特設記注官置之左右凡

聖主嘉言懿行一一記載於以垂憲萬世傳之無窮亦治

嘉際道之助也

上嘉納之三月同貝勒尙善等議吏科副理事官彭長庚

主稟正白旗一等子許爾安請復睿親王舊封妄頌功

勲結黨煽亂應立斬請睿親王舊封妄頌功

上命從寬流徙又議廣東布政使胡章誣奏平南王尙可

喜靖南王耿繼茂縱兵占官解等事與誣告凡人

主錄不同應立絞

上命視職免罪五月王疾劇

駕親臨問問叔王有遺言乎王泣對曰臣蒙聖命合當效死

太祖高皇帝宮中撫養

太宗文皇帝信任又蒙

聖恩寵用受

三世深恩未能仰答不勝感痛惟願以取雲貴滅桂王統

一四海為念且滿洲甚少而能破流寇取京都應

加撫卹

上垂涕曰天何不令朕叔長年耶言已大慟

駕旋

命工圖其像翌日薨年五十有七

詔輟朝七日

賜祭葬銀萬兩置守園十戶立碑紀功康熙十年六月追

諡曰獻乾隆十九年九月入祀

盛京賢王祠四十三年正月

上追念鄭親王忠勲

命配享

太廟

詔以現襲之簡親王復始封號曰鄭濟爾哈朗子四長

富爾敦次濟度次勒度次巴爾堪富爾敦封世子

早卒濟度襲封簡親王自有傳勒度於順治八年

閏月封敏郡王九年十月擢議政王十二年八月

薨年二十康熙十一年八月加諡曰簡

和碩簡純親王濟度

濟度鄭獻親王濟爾哈朗次子順治八年閏二月

封多羅簡郡王四月其兄富爾敦薨九月濟度封

金子人加通元 卷三十四 八陣志四 三
世子九年十月任議政十一年十二月授定遠大將軍率貝勒巴爾楚渾貝子務達海都統噶達渾統兵征福建海寇鄭成功十二年九月師至福建聞泉州賊遁駐福州久之乃進駐泉州十三年七月投誠偽總兵黃梧副將蘇明鄭純謀殺偽總兵華棟等自海澄縣遣迎大兵僞官八十餘人兵一千七百俱降王自泉州移駐漳州俄聞成功犯福州遣副都統覺羅阿克善叅領巴圖魯褚庫護軍

叅領伊巴格圖赴援遇賊高齊陸路敗之斬二百級將至福州賊艘二百餘泊烏龍江阿克善等水陸齊進擊敗之追至大漳河口斬偽總兵林祖蘭等獲船十有四時惠安閩安漳浦頻告警分遣護軍統領覺羅雅布蘭副都統阿玉錫等往勦斬賊二千餘獲船數百先後降偽總兵一副將五叅將遊擊以下五十人兵三千有奇十四年三月班師

上遣議政大臣哈什屯等迎之盧溝橋令先赴鄭親王喪

上親臨其第慰之五月襲封和碩親王爵仍其原封郡王

之號曰簡十七年七月薨年二十八康熙十年六

月追諡曰純十八年二月以濟度第三子德塞襲

封和碩簡親王康熙九年三月德塞薨諡曰惠無

嗣以德塞弟喇布襲

原封和碩簡親王喇布

喇布簡純親王濟度次子初於康熙七年正月封

弟雅布 從子德沛 從孫豐訥 亨

二等輔國將軍九年九月襲封和碩簡親王十二
年九月以逆藩吳三桂耿精忠分擾江西

特命為揚威大將軍鎮江寧十四年九月

諭移師江西十二月遣兵斬賊朱三於東鄉縣十五年二

月遣兵敗賊王用等於鄱陽縣之沙崗粟嶺五月

奏招撫南康吉安饒州偽官四百五十餘兵萬五

千有奇七月奏耿逆偽都督楊益茂據金谿縣大

兵破其木寨斬三千餘級復金谿十月遣兵赴萬

年縣勦賊楊彪萬勝等破賊衆於五都馮家山十
二月奏故平南王尚可喜子之信在廣州乞降以
所齎密疏上陳先是三桂賊將高天傑韓大任等
陷吉安王奏調綠旗兵會勦又請前舉黃五氏
勅總督運紅衣礮十具攻吉安並從之庚辰歲十五
諭戒以勿坐守觀望因奏省會繁要不可輕離至是將軍
額楚等與大任戰於吉安螺子山失利

上命侍郎班迪等赴吉安察狀還奏時西曆順治五十二

諭令戴罪圖功王乃親圍吉安十六年二月賊夜出南門

逸王入城駐軍六月奏招撫江西各屬偽官千九

百餘兵三萬七千四百有奇又疏言韓大任等屯

寧都樂安諸處調兵三路進勦大任願降請爲入

告

詔報可旣而大任自寧都出擾萬安太和等縣王請調兵

禦勦

諭曰簡親王喇布自到江西未建尺寸之功安坐會城虛

廉糧餉追赴吉安以重兵圍城逆賊韓大任奔逸不能
擊滅致竊據寧都雖遣副都統布舒庫等率兵前往究
未大創賊衆今韓大任自寧都竄突延及萬安泰和諸
處不能撲剿又以兵少具奏計喇布所轄滿漢兵爲數
不少一韓大任未能剪除任其出入宜卽嚴加處分念
現在與賊相持姑候事平日議罪十七年正月護軍統
領哈克三等敗大任於老虎洞燬其營斬六十餘
級大任奔福建赴康親王傑書軍降二月

詔移師湖南駐茶陵八月奏三桂死衡州

詔令進師十八年正月王遣前鋒統領希佛等進取衡州

賊帥吳國貴夏國相等宵遁復其城二月分兵復
祁陽耒陽等縣及寶慶府招降偽總兵卓英董世
興爲副總兵周嘉貞等又偽將軍全鉞偽總兵馬
隆興熊天章曾大捷姜繼尙偽侍郎范思徵等相
繼降六月疏言隨征之烏拉寧古塔兵千二百餘

人應遵

前

人

應遵

旨撤還但新寧諸處賊未平請暫留勦從之八月疏言將
軍穆占復新寧安親王岳樂克武岡賊竄遁臣駐
東安遣烏拉寧古塔兵還京令穆占駐新寧
諭嚴責其不追勦賊於沅州靖州九月奏偽副將張朝貴
等七十餘人降與偏沅巡撫張朝珍安插

詔進定廣西駐桂林十九年正月奏昭義將軍伯馬承蔭
標下糧匱兵噪撥餉給乃定又言馬承蔭奉
旨設五營會勦雲貴今請自募兵七千增立援勦二營

上以將軍標無七營例不允三月王率兵往柳州至永福
聞承蔭復叛降吳逆暫駐桂林五月奏大兵分路
進勦總督金光祖破賊武宣復縣城將軍莽依圖
破賊陶登定象州臣由維容進取柳州馬承蔭率
官弁六百六十餘兵七千三百有奇來降八月
諭移駐南寧十月偽將軍饒一龍等率偽官三十九兵五
百餘以慶遠府降是月

命選所部兵付大將軍賴塔進定雲南二十年八月

詔攜柳州南寧間駐兵還京十月薨年二十有八二十一年

年十二月追論吉安諸處失機罪削爵二十二年

三月以濟度第五子三等輔國將軍雅布襲和碩

簡親王爵二十九年噶爾丹深入烏珠穆沁地雅

布副安北大將軍恭親王常寧出喜峯口往征旋

命趨赴撫遠大將軍裕祿以王福全軍叅贊軍務八月敗噶

爾丹於烏蘭布通噶爾丹乞宥罪旋由大磧山遁

十一月師旋議不追勦罪削爵得

旨從寬罰俸三十五年二月從

上征額魯特由中路進抵克嚕倫河聞噶爾丹遁始還三

十八年十二月掌宗人府事四十年九月薨年四

十有四諡曰修雅布長子雅爾江阿初於康熙二

十六年封世子三十九年隨直郡王允禔分濟永

定河四十一年襲封和碩簡親王四十九年掌宗

人府事雍正元年充

玉牒館總裁三年十月告成

賜銀幣尋因編載遺漏及辦事屢誤停俸撤六佐領歸公
四年二月奏請再撤佐領乞

恩免停俸

諭責其人甚卑鄙終日沉醉諸事漫不經心下所司議處

削爵三月以雅布第十四子原封三等奉國將軍

神保住襲封和碩簡親王乾隆十三年九月

諭曰神保住自襲爵以來不知自愛恣意妄爲致兩月

成皆因辭王俸朕加恩賞給半俸贍其度日之資伊

竟不知感恩守分且罔顧近派族人稍加周恤今據

宗人府劾奏神保住凌虐伊兄忠保之女其行事更

出情理之外著革去王爵另行請旨承襲尋以鄭獻

親王濟爾哈朗之從曾孫德沛襲封和碩簡親王

初鄭獻親王弟追封多羅貝勒芬古生傅喇塔封

固山貝子生福存襲固山貝子德沛福存第八子

也雍正十三年五月封三等鎮國將軍八月授兵

部左侍郎乾隆元年七月任古北口提督二年二

金定八加通志 卷一百二十四 人物志四
月授甘肅巡撫六月疏言備荒期於先籌賑恤貴乎實惠向遇歉歲州縣必俟詳允後動支倉庫錢糧上司又必委驗核減文移輾轉至開倉散賑時而饑民已轉徙流亡矣且倉厥大率在城近者尙可匍匐支領遠者每以跋涉甘餒是徒費時費國家倉貯而饑民沾恩未遍甘省地處萬山風多雨少歲常歉薄民鮮蓋藏且地方遼濶倍他省州縣所轄由百里至四五百里不等閒時已覺迢遙領

賑尤多狼狽雖筋力壯盛者亦不能數百里往返領一日口糧况孤寡殘弱哉今歲雨暘時若可望有秋但有備無患不得不豫爲綢繆臣思散賑貴多設廠而專其責於州縣請豫勘各州縣地方就鄉村連絡處分擇公廨廟宇十餘處造具地方冊籍遇散賑時該州縣具詳日卽將倉糧散給務使老少均霑強弱普被旣無拮据之艱且免守候之累則向苦流離之人皆得就食但運糧脚價費多

甘省每歲青黃不接時令各州縣至糶倉糧秋收買補或遇豐年除還正項價餘亦卽買糧存貯此向例也嗣後賑恤運價應將此項糧價餘銀貯州縣庫停其買糧以爲運費如不敷先於州縣庫不拘何項動支再於司庫舊存公用銀十八萬內還項賑畢造冊核銷如有捏冒者立卽叅賠庶幾官易爲理而民沾實惠得

旨先事豫防原當如此但運脚一項應用時咨部請示九月擢湖廣總督三年四月疏陳苗疆七事一苗民懶不習田請於新闢苗疆代買牛種器具令地方官親勸開墾一苗民未覩禮讓請立義館以附近生員教誨一苗居山叢林密合官弁誘買樹木數年後山中無險可恃一苗寨係茅屋畏火攻請製火器一苗疆兵駐處偶有急需無項可支請於苗疆州縣庫存銀千兩同知通判駐所亦請交貯庫銀千兩並建常平倉買貯穀一三千石庶儲蓄

有備一邊地緊要官兵勢難分佈查山東沿海及滇黔蜀粵俱有團練鄉勇之事應令地方官力行此法互相警護立練總什長相統率一苗民貪賄忘親凡犯罪逃匿之案請立賞格有能擒獻重犯賞銀二十兩情罪稍輕者賞銀八兩先行刊石曉諭時廷議水田未便開墾苗人不可欺誘至要犯懸購臨時酌賞餘如所請行十二月攝襄陽鎮總兵四年七月調閩浙總督八月疏言泉州府晉江

縣之衙口鄉大姓肆橫械鬪事不一而足祇緣僻處海濱不解法度查永寧舊寨地勢高敞去衙口陸行十餘里由海徑渡七八里即可直達且衙口原係陸路提標右營汛地應請卽以該遊擊移駐永寧帶兵二百三十名其衙口後身空公庵設把總一兵五十名海邊石亭設汛一撥兵十名稽查彈壓又西倉處各大姓適中地查興化同知止司盜逃防海請以該管事務併歸興化通判卽以該

同知改隸泉州移駐西倉下部議如所請五年二月
月

諭廷臣曰德沛屢任封疆揅守廉潔既一介不取而因公犒賞之處又復繁多所得養廉不能敷用以致京中逋負不能清還且棄舊有之產朕心深為軫念此等清官應格外加恩以風有位著將福建藩庫銀就近賞給一萬兩示朕優獎之意六年二月

命稽查滸墅北新兩關七月兼署浙江巡撫七年四月

調兩江總督八月疏言揚州猝被水廬舍蕩然現在自揚州至寶應堤埂高阜災民斷續搭篷居住將來興化泰州之無處容身者勢必移來窮民待賑人烟雜沓奸良莫辨臣於揚州城廂及高郵寶應令遊擊等水巡以期奸匪遁跡

上嘉之先是奉

上諭嗣後該州縣當秋成時穀價高昂不能買補而該處存倉穀石尚可接濟者照例詳請展限於次年買

補倘穀價既屬不敷而貯倉穀石又係不足者准其
詳明上司以別州縣穀價之贏餘添補採買為酌盈
劑虛挹彼注此之計至是德沛奏言江南地廣人稠
穀不敷食歷係取資江廣及上江棕陽運漕等處
邇聞各處米價俱昂轉販者少如以別州縣贏餘
添補則江蘇所屬買補止有不足並無贏餘若因
籌補無項致倉貯全虛目前且無以濟用日後何
賴臣請俟秋成後各屬有糶價存庫者不拘本境

隣封擇時價稍平者即為代買其不敷之價應照
前撫臣徐士林所請於捐監項下補足至淮揚徐
海等州縣現在被災印官賑務殷繁不能兼顧已
命飭藩司動支司庫銀十萬兩遴員採買俟飭提各
屬糶價歸款山西

上是之如所請行八年三月十二日奉旨

召來京六月授吏部右侍郎十二月兼管國子監祭酒

日事務十年七月教習庶吉士十一年二月

諭曰侍郎德沛因伊度日艱難指伊弟簡親王現食俸
百祿奏請借支十年以完舊逋以資生計著照所請行
上旨閏三月轉吏部左侍郎十二年三月兼署戶部左
侍郎五月署山西巡撫九月

命尙書房行走十二月擢吏部尙書十三年七月以疾
解任九月
諭曰神保住已獲罪革爵德沛於此王爵既有承襲之
分且在等輩中較爲厚重可卽令承襲王爵德沛襲

王之後宜追念從前諸王將族中應行資助之人加
意周恤共相和睦以期仰沐朕恩於無旣是月襲封

和碩簡親王十七年六月薨年六十五諡曰儀十
月以鄭獻親王濟爾哈朗之曾孫奇通阿襲封和
碩簡親王初鄭獻親王第四子巴爾堪生巴賽襲
封輔國公奇通阿巴賽第十子也雍正四年八月
封三等輔國將軍九月授頭等侍衛九年襲父輔
國公爵十年授散秩大臣乾隆元年任正紅旗滿

洲都統三年授領侍衛內大臣十七年襲王爵二十二年掌宗人府事二十三年充

玉牒館總裁二十八年六月薨諡曰勤以其長子豐訥亨

襲豐訥亨初於乾隆八年二月封三等輔國將軍

二十三年七月以三等侍衛領班奉

命率健銳營兵二千勦準噶爾餘孽及回部十二月至

阿克蘇城十二月隨叅贊大臣舒赫德進師巴爾

楚克二十四年正月至呼爾璊逆回霍集占引賊

五千餘來犯豐訥亨同侍衛豐安等合諸軍擊却

之追潰衆十餘里翌日再進賊據塹拒復奪塹所

乘馬創易馬進賊退避夜率兵取水於沁達勒河

連敗賊衆於渡口遂進援大軍之與賊相持於葉

爾羌者敗賊於葉爾羌河岸大軍聞鎗礮聲突圍

出合擊賊衆却之乃還阿克蘇

詔嘉其臨陣奮勇遷二等侍衛尋擢鑲白旗滿洲副都

統十月以經理臺站至額格爾呼爾璊遇結寨出

掠之布魯特賊眾斬三十餘級得爾蘇賊眾出

旨獎敘二十五年三月...

頒資緞十二銀五百四月調阿克蘇兵赴伊犁充領隊

大臣九月率兵百捕竊馬臺站之瑪哈沁賊眾過

察爾圖嶺窮追十餘日擒七十餘人獲馬五十餘

復得...

旨獎敘二十七年二月同領隊大臣伊勒圖驅越境遊

牧之哈薩克部眾擒其魁五人收其馬二千餘至

伊犁

詔以哈薩克歸附日淺未知內地法度有其罪

諭獎豐訥亨熟悉情形令傳

旨曉諭哈薩克釋還其人及馬閏五月彙敘出征以來

功得三等功牌一頭等功牌四子雲騎尉世職十

...

賜雙眼孔雀翎遷護軍統領管健銳營事二十八年十

月襲封和碩簡親王尋授領侍衛內大臣初簡勤

親王原襲之輔國公及豐訥亨之雲騎尉世職因
襲巴襲親王銷除三十年六月營專二十八平十

上以豐訥亨頻年出征頗著勞績其先世功勳所遺公
爵宜仍予襲遂以豐訥亨之弟經訥亨襲互詳武

襄輔國公傳三十四年正月任正黃旗漢軍都統
三十八年十月掌宗人府事四十年十二月薨年

五十有三諡曰恪以其次子積哈納襲封和碩簡
親王積哈納初於乾隆四十年四月授頭等侍衛

四十一年五月襲封和碩簡親王尋授散秩大臣
四十三年正月

命復鄭獻親王始封之號仍為鄭親王四十九年五月
薨年二十有七諡曰恭以子幼俟及歲時議襲

贈和碩親王武襄輔國公巴爾堪 子巴賽

巴爾堪鄭獻親王濟爾哈朗第四子順治十一年

十二月授三等輔國將軍康熙十三年

命同鎮東將軍拉哈達鎮兗州巴爾堪署副都統六月

詔率蒙古兵赴江寧八月以逆藩耿精忠賊黨由饒州犯

徽州日變三華轉閱詳見通志卷十三

命江寧將軍額楚偕巴爾堪進勦巴爾堪先驅九月至旌
德聞賊據績谿疾進度徽嶺賊千餘迎戰敗之額
楚繼至並抵績谿賊衆環逼合兵擊逐十餘里斬
三千餘級復徽州勦賊黟縣至董亭橋賊五千餘
據橋列陣擊之遁別賊千餘越山來援復敗之斬
偽遊擊魏澄偽千總翁達等十一月進師婺源休

寧賊據奇台嶺擊走之趨黃茅嶺賊三千餘據
木柵拒令步兵分攻嶺左右騎兵攻其中斬五百
餘級賊棄甲仗遁復縣城躡之樂平縣段家村叛
將陳九傑糾賊八千餘以拒旋敗竄入縣卽樹梯
登城攻復之餘賊據鄱陽雲吉峯下搜斬百餘級
復饒州十四年四月進攻萬年縣之石頭街賊四
萬餘斷渡口巴爾堪與額楚水陸並進破賊五十
七營斬五千餘級擒九傑獲船二百餘進攻安仁

縣賊兵八千餘乘船五百餘遁風逆泊岸巴爾堪
追及賊棄礮焚船竄又分兵擊敗齊爪郎諸賊於
南頓山五月至貴溪賊奔遂復縣城至弋陽偽總
管蔣德輶率兵五萬餘爲九營以木石壘斷西岡
橋拒守爲總兵柯昇以賊兵五千餘自廣信趨援
別立六營巴爾堪同額楚分兩路進擊大破之斬
溺二萬餘擒偽遊擊張二奇都司張明德等八月
攻永豐賊於金石山陣斬偽都司李定等偽總兵

何起先以賊兵六千據玉山巴爾堪親率兵攻復
其城偽遊擊林二瞻以賊兵五百掠鉛山又浙江
逆黨八千自江山常山犯玉山巴爾堪分兵擊斬
無算十六年正月隨揚威大將軍簡親王喇布征
吉安與吳逆僞將軍韓大任戰於螺子山失利議
削爵仍戴罪圖功同額楚進征廣東九月勦賊韶
州蓮花山首衝敵陣奮力搏擊手被箭所乘馬亦
創易馬裏創力戰大破賊得頭等功牌十九年八

月簡親王喇布統師征廣西順治十八年

上詔王進征時宜以巴爾堪總統營伍俾立功自効十月

創發甚劇自度不能痊語都統額赫納副都統幹

都海曰吾身為宗室不能死陣前今創發勿令家

人以陣亡冒功尋卒年四十有四喪還王德命

上遣內大臣宗室輝塞往奠二十二年四月宗室輝塞

上以巴爾堪出征有年隨處奮身前進傷亡可憫下部議

卹復輔國將軍雍正元年正月卹復輔國將軍

特恩追封輔國公世襲罔替

賜諡武襄立碑紀功乾隆十七年十二月以孫奇通阿襲

封和碩簡親王贈如其爵巴爾堪長子巴賽康熙

二十一年四月授三等奉國將軍三十四年三月

任鑲藍旗漢軍副都統三十五年二月從

上征噶爾丹五月至克魯倫河同平北大將軍瑪思喀追

寇至巴顏烏蘭三十六年十月調正黃旗蒙古副

都統三十八年罷任五十四年三月復授正黃旗

蒙古都統五月調鑲紅旗滿洲副都統十一月遷
正紅旗蒙古都統五十七年七月署黑龍江將軍
六十一年十二月實授寧古塔將軍雍正元年正
月陳奏父巴爾堪勞績請

賜碑文得

旨俞允追封輔國公卽以巴賽襲二年二月

召還京四年六月授振武將軍赴阿爾台軍營既至奏分
遣諸將駐牧特斯扎布罕等處俟降雪後撤回從

之五年十月

詔遣大臣更代尋以喀爾喀郡王丹津多爾濟奏巴賽管
兵整飭辦事妥協

命仍留駐七年三月

詔靖邊大將軍傅爾丹勦禦噶爾丹策凌以巴賽爲副將
軍八年五月

詔傅爾丹來京籌軍務巴賽暫護大將軍印九年四月同
傅爾丹進駐科布多六月噶爾丹策凌糾賊三萬

來犯傅爾丹偕巴賽至扎克賽河獲賊二十餘人
訊之詭言賊不滿千在察罕哈達游牧尙隔三日
程傅爾丹遂進至庫列圖嶺賊據險阻我軍傅爾
丹令移營和通呼爾哈諾爾賊兵二萬伏山谷伺
我軍甫移突出蒙古兵俱潰散收滿洲兵四千設
方營護輜重退渡哈爾哈納河登山列陣賊衆復
踵至傅爾丹趨右仍回科布多巴賽同副將軍查
弼納趨左越嶺至河濱力戰沒於陣年六十有九

尋陷賊之正紅旗前鋒校薩明阿脫歸得巴賽與
查弼納陣沒狀

上諭廷臣曰準噶爾賊衆侵犯北路將軍等急欲滅此朝
食忿激迎擊倉猝失利此皆國家養育多年之人朕遴
選任用冀其大樹功勳重邀爵賞伊等亦以世受國恩
竭力捐軀雖誤墮狡計而矢死効忠情殊可憫

賜卹如例入祀昭忠祠諡曰襄愍乾隆十七年十二月子
奇通阿襲封和碩簡親王贈如其爵奇通阿初於

雍正四年八月封三等輔國將軍九年十二月封

輔國公三十年六月

諭曰從前因奇通阿襲封簡親王銷去其原襲公爵近

閱宗室王公表傳奇通阿之王爵係按派應襲而其

公爵係伊祖父積有軍功相繼陣亡所遺不可泯沒

且豐訥亨頻年出征頗著勞績曾給雲騎尉世職亦

因已襲王爵銷去朕追念伊先世功勳又念豐訥亨

近日勞績所有從前銷去公爵著宗人府帶領豐訥

亨近派子弟引見請旨承襲七月

命以奇通阿第二子經訥亨襲封巴賽所遺之輔國公

四十年十一月經訥亨卒年三十有三四十一年

五月以經訥亨之長子積拉堪襲封輔國公

五月以鑲黃旗人等請將該旗人等...

四十年十一月...

命以濟...

欽定八旗通志卷一百二十四

